

Nicolas Maduro mes a nombra Marisol Gomez na Citgo na 2014

Caso contra Citgo ta revela un bestro criminal

**Placa sushi, droga, criminalidad ta rementa den Corte na Merca*

**Actuacion y detencion Martinez ta den un luz nobo y increibel*

CAUSE NO. 2019-11471

MARISOL GOMEZ,
Plaintiff.

CITGO PETROLEUM CORPORATION,
Defendant.

Exclusivo
DIARIO
UN SANCION, UN ESCALO, UN PUNTO, UN DIARIO

ORANJESTAD (AAN) -- Den tur publicacion di DIARIO, continuamente referencia a wordo haci na e relacion cu tabata tin entre PDVSA/CITGO y mundo criminal. For di e prome informacionnan presenta na pueblo di Aruba den cuadro di e proyecto di rehabilitacion di e instalacionnan di loke ta yama pero no ta refineria na San Nicolas, DIARIO a muestra c Gobierno Mike Eman no a realisa investigacion necesario den Citgo, PDVSA y regimen Nicolas Maduro prome cu sin aprobacion di Parlamento el a firma un acuerdo. E investigacionnan di DIARIO awe ta culmina den un crisis mundial pero tambe persecucion penal mundial contra e regimen di Nicolas Maduro.

For di momento cu Citgo a subi escenario di Aruba, el a wordo kita for di atencion na momento cu tur atencion mester tabata riba e compania, cu ta parti di persecucion penal pa investigacion criminal na paisnan liber for di prome cu Aruba a cuminsa cu e negociacionnan. Awe Husticia di Merca a dagvaard Citgo mes pero na mes momento Husticia na Merca ta wordo confronta cu un caso cu ta duna tur bista riba loke por yama e bestro di PDVSA y Citgo na Merca.

DIARIO a sigui busca informacion riba un caso cu nos a presenta luna pasa, ora Marisol Gomez a presenta un demanda pa Un

Miyon Dollar contra Citgo debi na e hecho cu Nelson Martinez difunto, cu tabata encabeza gerencia di Citgo, a dune su reitro pasobra e no kier a sostene y participa den trabou sushi den Citgo.

Mientras DIARIO tabata investiga e caso aki, Departamento di Husticia di Merca mes a dagvaard Citgo cu awor tin un gerencia nobo di Juan Guaidó, cu a bisa cu nan lo coopera cu Husticia Mericano.

E caso nobo no por a kita atencion den e investigacion di DIARIO, cu a bin descubri cu aparentemente tabata tin un relacion mas profundo entre regimen Nicolas Maduro y e persona cu awor ta hiba Citgo Hues y ta acusa e compania di sushedad grandi.

E informacionnan cu tin den e caso entrega na Corte na Merca ta basa, manera DIARIO a yega di publica, riba acusacionnan di Gomez cu e mester yuda Citgo duna trato preferencial pues comete actonan di corrupcion na beneficio di personanan acusa di trafico di droga.

Ademas di tur caso di labamento di placa y corrupcion den Citgo awor e caso ta duna un bista riba e aspecto di relacion cu mundo di droga. E documentonan cu DIARIO a studia y awe ta presenta na Aruba ta duna bista den un bestro y no un empresa cu cual Aruba a cera un acuerdo pa rehabilita e refineria cu mester a fracasa pa mas cu un motibo.

Documentario oficial

EL AISSAMI & LOPEZ BELLO Network
February 2017

Tarek Zaidan EL AISSAMI MABDAH
a.k.a. Tarek EL AISSAMI
DOB 12 Nov 1973
POB El Yara, Merca, Venezuela
Citizen Venezuela
Identification Number 12,354,211 (Venezuela)

Frontman

Samark Jose LOPEZ BELLO
a.k.a. Samark LOPEZ DELGADO
DOB 27 Jul 1974
POB Venezuela
Citizen Venezuela
Identification Number 11,203,656 (Venezuela)

Designated foreign entities linked to LOPEZ BELLO

YAKIMA
YAKIMA TRADING CORPORATION
Panama
RIF # 5196611412608
Owned or controlled by
YAKIMA
YAKIMA OH, TRADING, L.L.P.
London, United Kingdom
Commercial Registry Number 0C749865

PROFIT
CORPORATION, CA
PROFIT CORPORATION, C.A.
Caracas, Venezuela
RIF # J-00957992-4

SAHECT
GRUPO SAHECT, C.A.
Caracas, Venezuela
RIF # J-20020171-9

SMET
SMT TECNOLOGIA, A.A.
Caracas, Venezuela
RIF # J-40065230-4

MEFA HOLDINGS LIMITED
Towers, World Trade Center
Cruzaguy Number 1793172

SERVICIOS TECNOLOGICOS INDUSTRIALES, C.A.
Punto Ordaz, Venezuela
RIF # J-11035570-2

ALFA ONE, C.A.
Punto Ordaz, Venezuela
RIF # J-11045200-3

Gomez segun e documentonan a cuminsa traha na 1989 na Citgo y a traha 25 aña pa e compania. Na November 2014, tempo di Nicolas Maduro, el a bira Vice Presidente encarga cu asuntonan di personal di Citgo. E tabata disfruta di un salario di 431.500 (pues casi mey Miyon) Dollar anualmente.

Segun e caso, el a nenga di comete actonan contra Ley segun instruccion di Martinez, cu e ta acusa di tabata ricibi comision, pues placa, pa haci trabou sushi contra interes di PDVSA y Citgo.

E documentonan ta papia di relacion entre Martinez y e actual Minister di Energia di Venezuela cu Merca ta acusa di relacion cu traficantenan den droga.

Gomez lo a pone Maduro na altura di sushedad cu tabata wordo cometi den Citgo pero nada a pasa. Despues el a atende cu PDVSA mes y esey lo a haci cu detencionnan a tuma luga na 2017 den Citgo.

E documento ta pone un luz completamente nobo riba e circunstancianan presente na Citgo durante su relacion cu Aruba pero tambe e final di Martinez, cu tabata e homber importante na Aruba prome cu el

a muri den prizon na Venezuela.

E caso cu a wordo presenta den Corte ta duna motibo pa hopi interpretacion di loke tabata pasa den Citgo, manera henter mundo a adverti.

E informacionnan cu DIARIO a compila den su trabou periodistico, ta motibo

pa puntra pakico autoridad di Aruba no a haya e encargo pa investiga Citgo prome cu a cera e acuerdo cu e compania.

DIARIO lo duna informacion amplio y lo sigui exigí investigacion di e negociacionnan y acuerdo cu Citgo.